

Universitätsbibliothek Paderborn

**R. P. Lucae Pinelli Societatis Jesu Theologi, De
Perfectione Religiosa, Et Obligatione, Qvam Qvisque
Religiosus ad eam consequendam habet. Libri Quatvor**

Pinelli, Luca

Mogvntiae, 1604

XXVI. De secundo obedientiæ gradu, qui pertinet ad voluntatem.

[urn:nbn:de:hbz:466:1-46699](#)

lum est obedientiæ meritum. Ego viam
Obedientiæ decurri vsque ad mortem, o-
mnibus difficultatibus & impedimentis
contemptis & remotis, quæ in via occurre-
runt. Apostoli mei quoque in obseruatione
præceptorum meorum in finem vsque vitæ
perfisterunt. Itaque qui ob inconstantiam,
vel commodum aliquod suum, aut alium
respectum humanum neglit obedienciam
præstare, meus discipulus non est. Incipere,
& postea citra iustum causam non exe-
qui obedientiam, puerorum est, non reli-
giosorum.

*De secundo gradu obedientiæ, qui per-
tinet ad voluntatem.*

C A P V T XXVI.

FILI, voluntas tua est potentia cæca. tu
quœq; sœpè passionibus tuis excæcaris,
quare non potes esse dux illius, ne ambo in
foueā cadatis. Necesse est igitur, ut mihi in-
nitatur, eiq; qui locum meum in gubernâ-
do sustinet. Atq; hoc exigit secundus Obe-
dientiæ gradus: nēpè, ut non modo tuā vo-
lūtate subiicias Superioris volūtati, eiq; tuā
conformes, sed ut illius voluntatē facias tuā;
quod consequere, si Superioris voluntatem
animas.

animæ tuæ inseras. Rami duo qui ex hoc surculo prodeunt, nimis velle, & nolle superiorum, sedulò sunt conseruandi, & si fortè aliud germen erumperet, subitò resecandum esset, ne vigorem adimat surculo.

O B E D I E N T I A, quæ ad hunc gradum secundum pertinet, tres proprietates requirit, quæ illam gratam mihi reddunt & acceptam. Una est, ut sit voluntaria. altera, ut hilaris, tertia, ut feruens. Hæ tres proprietates hostem communem habent, à quo non parum exagitantur, qui dicitur repugnatio. Religiosus, qui non expugnat hanc repugnantiam, facile vincitur, quia nequit obedire hilariter & feruenter. Et si repugnatio à parte superiore proficiscatur, tollitur quoque voluntarium.

V E R V M dic mihi fili, vnde nascitur tua repugnatio, quæ in præstanta obedientia te tam morosum & difficilem reddit. An fortè indè, quod existimas te subiiciendo Superiori iacturam facere libertatis & honoris tui? Si idcirco doles, & dolor repugnantiam creat; non dolendi, sed gaudendi potius causam habes: quandoquidem (ut alias tibi dixi) qui amore mei se submittit Superiori, submittit se mihi, Domino omni-

omnium; quæ in re non parum suam existimationem & honorem adauget, cum rem faciat homine generoso & magnanimo dignam. Ac dum amorem proprium quasi pedibus conculcat (quod nec omnium est, nec multorum) prorsus declarat, quantime, meique amorem faciat. Si ego Dominus maiestatis amore tui me subieci hominibus, eisque toto pectore obtemperauī, cur tu contristabere, dum subiicis te vicario meo? Considera fili, quod hoc sit esse subditum. considera te ad religionem non venisse ad imperandum, sed ad obedientiam. Situ agnosceres in voce Superioris vocem meam; & si perpenderes obedire Superiori, esse obedire mihi, exultares tibi aliquid ab illo imperari, & feruenter ac perlibenter illi obtemperares.

C O G I T A R E deinde, quod in obedien-
do iacturam facias libertatis luculentus er-
ror est, cum non solùm nō amittatur liber-
tas, sed etiam perficiatur; siquidem bene-
ficio obedientiæ conformatur & coniun-
gitur voluntati diuinæ, quæ est regula in-
fallibilis benè operandi: atque ideo quam-
diu libertas humana ei coniuncta erit, benè
operabitur. Nec dubium est, eam liberta-
tem, quæ semper nititur bono, esse perfe-

R

& iorem

Et iorem ea, quæ non nunquam adhæret male.
Non perditur quod datur Deo, sed redditur
securius, ne perdatur.

OBEDIENTIA ergò huius secundi gra-
dus, ut mihi grata sit, debet esse voluntaria,
& non coacta. Sunt nonnulli, qui timent à
Superiore occupari, & ideo varia effugia &
diuertiçula quærunt, nunc occultando se,
nunc excusando, nunc fingendo se aliis di-
stentos negotiis. Et si quando aliquo iussu
Superioris amandentur, vadunt velut coa-
cti. Alij obedire malūt vni potius quam al-
teri, atq; si ego non essem in omnibus Supe-
rioribus. Sed illi liquidò demonstrat, quod
non obedientiam amore mei. Qui in obedien-
tia Superioribus delata, respicit me, nullum
discrimen inter Superiores facit, sed æqua-
liter obsequitur omnibus. O quantum hal-
lucinantur quoq; ij, qui nulla religione du-
cuntur, si voluntati Superiorum resistant in
rebus spiritualibus, ut ieconiis, precibus
mortificationibus, & id genus aliis; nec-
nun inobedientia nomine suo destituitur
in rebus piis & spiritualibus.

ALII sunt, qui promptè obsecundant in
negotiis inclinationi suæ & naturæ con-
sentaneis; in cæteris, quæ non arrident ma-
gnum sentiunt fastidium & repugnantiam.

Nemo

Nemo est, qui non agnoscat hanc imperf-
ctam & miseram esse obedientiam, quia con-
stat eam ex radice amoris proprij natam.
Miseriam auget, quod cum tales illibenter
& inniti obdiant, non solum meriti iactu-
ram faciant, sed ob fastidium & natuscam
difficiliorem obediendi actionem reddant.
Deterrium verò illud, quod obedientia,
quæ debebat illis esse suauissimus cibus, i-
psorum culpa vertatur in venenum amarum.
Quisquis enim grauatè obedit, ordinariè
murmurat, indignatur & offendiculum ali-
is præbet, & loco præmij, quod mereri po-
terat, si æquo animo obedisset, vltro in ca-
put suum arcessit pœnas.

F I L I , optas liberari ab his æruminis? ex-
cita in te efficax desideriū promptè & synce-
rè deinceps obtemperandi, ac donū hoc po-
stula ab eo qui dare potest. Deinde strenue
exerce te in omni obediētiæ genere, magnæ
& paruæ. Et cogita eum magnam lucri spi-
ritalis iacturā facere, qui ægrè obedit. Qui
vicinus est morti, & non libenter moritur,
anctiorem mortem reddit. Sic qui obedien-
tiam præstat, sed repugnante volūtate, plus
se excruciat. Melius ergò est ex necessitate
facere virtutem. Qui potest humeris ferre
crucem, non trahat eam per terram.

R 2

Non

NON NULLI viam quidem obedientiae ingredi volunt, sed ea conditione, ut Superiorum præcedant, non sequantur. Atque iij sunt, qui cum animo propositum habent aliquod exercitium vel negotium, variis mediis Superiorum conantur in suam sententiam impellere, eaq; in re tam anxij sunt & solliciti, ut si voto eorum non fiat satis conturbentur. Neque hic sistit eorum imperfectio, sed præterea exercitio illi operam dare volunt, modo suo, non modo, quem Superior suggerit. Atque ita voluntas eorum antecedit voluntatem Superioris. Non ambulat securus, qui lumen fert à tergo. Superior est, qui lucem defert, quam tibi præbere debet, non tu illi; quare opus est, ut tu eum insequaris, non autem præcedas. Qui Superiorum traducit ad modum agendi suum, non querit obedire illi, sed illum obedire sibi. Et qui conatur impellere Superiorum, ut velit quod ipse vult, inserit suam voluntatem voluntati Superioris: quo circa fructus illius non erunt fructus obedientie, sed proprię voluntatis subditi, quos ille degustat, & non ego.

ALTERA proprietas huius secundi gradus est, ut Obedientia sit hilaris, quæ oritur ex priore. Qui enim obedit libenter, obedit & hil-

& hilariter. Et qui inuitus obedit, obedit cū mōrore. Mibi magis arridet parua obedientia facta amore mei cum gaudio, quam magna facta cum tristitia. Qui non obedit hilariter, declarat se non medilgere, quia mihi displicet tristis obedientia. Accedit quod onus suum aggrauat, sicut qui hilari-
ter obedit onus obedientiæ omnino alle-
uiat. O quanto in errore est, qui assuefacit
se ad tristem & cunctabundam obedientiā,
quia nec mihi, nec Superiori, nec suæ con-
scientiæ satisfacit. Ac paulatim tali obrepit
religiosæ vitæ fastidium, & post fastidium
vitæ infelicitas. Qui enim suo statu conten-
tus non est, miser est & infelix.

TERTIA proprietas est, vt obedientia
sit feruens. Feruor nascitur ex amore, si di-
ligas obedientiam, nihil tibi mandabitur,
quod non hilariter & ardenter exequare.
Menon latet, qui feruide, & qui trepidè
mihi obdiant, & scio, qui maiori feruore &
studio mihi obsequi possint. O si religiosi
considerarent me in omnibus eorum actis
esse præsentem: atque etiam expenderent,
quam gratum mihi sit & iucundum videre
subditos gnauiter & ardenter mandatis Su-
periorum facere satis. Considerarent etiam
benedictiones, quibus tales obediētes præ-

R 3

uenio,

uenio, dubium siquidem non est, quin in o-
bedientia præstanda magnopere accende-
rentur. Fili, ubi nunc est ardor ille, quo con-
versionis tuæ initio flagrabas? Vbi nunc de-
siderium ingens, quo postulabas tibi multa
imperari etiam ardua? Potestne fieri, ut quod
notitiam huius rei maiorē es adeptus, hoc
minus facias? Scholasticus, qui imperitior
deprehenditur exeunte anno, quam in eun-
te fuerit, meretur è schola exturbari, & ad
abiectius vitæ genus detrudi.

*De tertio Obedientiæ gradu pertinente
ad intellectum.*

CAPUT XXVII.

FIL, hic tertius & supremus Obedientiæ
gradus attinens ad intellectū requirit,
ut religiosus sentiat, iudicetq; id quod à Su-
periore decernitur esse melius: imò postu-
lat, ut subditus nō habeat, neque aduersum,
neq; diuersum iudiciū à iudicio Superioris.
Diversitas enim iudiciorū est causa inqui-
tudinis & turbationis. Subditus qui volun-
tate duntaxat coniunctus est Superiori, in-
ueniente minima occasione, quæ iudiciorū
pariat disceptatiā, potest ab eo diuellī-
at qui semel & voluntate & intelligentia

illū